



**178. fundur Breiðafjarðarnefndar, haldinn 21. apríl 2020, á Skype**

**Mætt:** Erla Friðriksdóttir formaður, Róbert Arnar Stefánsson, Magnús A. Sigurðsson, Ragnhildur Sigurðardóttir, Karl Kristjánsson, Arnheiður Jónsdóttir, Guðríður Þorvarðardóttir og Eyjólfur Bjarnason.

*Fundarritari:* Theódóra Matthíasdóttir (TM)

Formaður setti fund kl. 10:00.

**Fundargerð 177. fundar**

Fundargerð lesin upp og samþykkt.

**Fjármál 2020**

Farið yfir fjármál nefndarinnar. Enn hafa ekki borist skýrar upplýsingar frá umhverfis- og auðlindaráðuneytinu varðandi fjármál nefndarinnar.

**Afgreiðsla:**

Hafa þarf samband við umhverfis- og auðlindaráðuneyti og fá óyggjandi upplýsingar um stöðu fjármála og flutning fjárheimilda á milli ára.

**Erindi frá Byggðasafni Snæfellinga og Hnappdæla: styrkbeiðni.**

Óskað er eftir styrk vegna útiskiltasýningar, *Miðstöðvar og mangarar í Breiðafirði.*

**Afgreiðsla:**

Vegna fjárhagsstöðu sér nefndin sér ekki fært um að veita styrk til verkefnisins að svo stöddu. Nefndin telur þó að um mjög áhugavert verkefni sé að ræða.

**Erindi frá Umhverfisstofnun: áform um stækkun þjóðgarðsins Snæfellsjökuls.**

**Afgreiðsla:**

Breiðafjarðarnefnd fagnar áformum um stækkun þjóðgarðsins Snæfellsjökuls.

**Erindi frá Umhverfisstofnun: áform um endurskoðun á friðlýsingu Flateyjar á Breiðafirði.**

**Afgreiðsla:**

Breiðafjarðarnefnd fagnar áformum um endurskoðun á friðlýsingu Flateyjar á Breiðafirði.

**Erindi frá Dalabyggð: ósk um umsögn um skipulags- og matslýsingu fyrir endurskoðun á aðalskipulagi Dalabyggðar 2004-2016.**

Erindi lagt fram.

**Afgreiðsla:**

Breiðafjarðarnefnd gerir ekki athugasemdir við skipulags- og matslýsingu fyrir endurskoðun á aðalskipulagi Dalabyggðar.

### **Skrá yfir friðlýst æðarvörp í umdæmi sýslumannsins á Vesturlandi.**

#### **Afgreiðsla:**

Lagt fram til kynningar.

### **Mögulegt brottnám skipsins Blíðu sem sökk á Breiðafirði.**

Eyjólfur lagði fram fundargerð frá fundi Umhverfisstofnunar, Rannsóknarnefndar samgönguslysa og Dalabyggðar, frá 20. mars 2020, um mögulegt brottnám Blíðu SH-227 sem sökk á Breiðafirði.

#### **Afgreiðsla:**

Breiðafjarðarnefnd fagnar áformum um brottnám Blíðu SH sér í lagi vegna mengunarhættu. Breiðafjarðarnefnd telur eðlilegt að nefndin sé upplýst um slík mál.

### **Landvarsla við Breiðafjörð.**

Skýrsla Umhverfisstofnunar um landvörslu við Breiðafjörð 2019 lögð fram.

#### **Afgreiðsla:**

Breiðafjarðarnefnd fagnar því að verkefnið hafi verið unnið og telur að um mikilvægt skref hafi verið að ræða fyrir verndarsvæðið. Í skýrslunni er að finna góðar tillögur að úrbótum á einstaka svæðum og útfærslu landvörslu á svæðinu.

Ein af meginniðurstöðum verkefnisins er sú að mikilvægt sé að festa í sessi og efla landvörslu á verndarsvæði Breiðafjarðar, sér í lagi yfir sumartímann. Í ljósi þessa hvetur Breiðafjarðarnefnd umhverfisráðherra og Umhverfisstofnun til þess að halda þessu góða starfi áfram og tryggja fjármagn í landvörslu á verndarsvæði Breiðafjarðar yfir sumartímann.

### **Framtíð Breiðafjarðar.**

#### **Afgreiðsla:**

Fræðslufundum sem halda átti í Dalabyggð, á Reykhólum og í Vesturbyggð var frestað vegna samkomubanns. Nýjar tímasetningar verða auglýstar síðar, vonandi með haustinu.

Bréf frá bæjarstjórn Snæfellsbæjar 6. apríl lagt fram þar sem bæjarstjórn kom á framfæri þeirri skoðun sinni að skynsamlegt væri af nefndinni að velta fyrir sér þeim kostum sem í boði eru varðandi framtíð Breiðafjarðar. Bæjarstjórn taldi einnig skynsamlegt af nefndinni að kynna kostina fyrir almenningi á íbúafundum.

### **Staða kostaðra og styrktra verkefna**

- Öryggis- og umgengnisbæklingur, Náttúrustofa Vesturlands og Anok.
  - Sendur í prentun.
- Fornminjakort í Flatey, Fornleifafélag Barðstrendinga og Dalamanna.
  - Kortið afhent fullmótað til prentunar og/eða netútgáfu, skv. samningi.
  - Athugasemdam nefndarinnar komið á framfæri við Fornleifafélagið.

- Kortið verður birt á heimasíðu nefndarinnar auk þess sem nefndin skoðar möguleika á prentun.
- Búsvæðanýting fiskseiða á innanverðum Breiðafirði, Rannsóknasetur HÍ á Vestfjörðum.
  - Í vinnslu. Anja Nickel, doktorsnemi, er að vinna handrit til birtingar byggt á þeim gögnum sem safnað var. Skýrslunni verður skilað samhliða þeirri grein.
- Örnefnaskráningar 2020, Náttúrufræðistofnun Íslands.
  - Verkefni hefur verið skilgreint og er hafið. Skil áætluð í nóvember 2020.

### Önnur mál.

#### **Skipulagðar kajakaferðir um Breiðafjörð með viðkomu í eyjum.**

Stjórn Æðarræktarfélags Íslands sendi Mast, UST og Ferðamálastofu erindi þar sem vakin var athygli á kajakferðum erlendra ferðaskrifstofu um Breiðafjörð með viðkomu í eyjum án samráðs við landeigendur. Kajakarnir eru innfluttir án þess að vera sótthreinsaðir og dregnir upp á land meðal annars þar sem æðarvarp er. Nú þegar fuglakólera hefur komið upp í æðarvarpi á Íslandi getur verið varhugavert að draga kajaka upp á land þar sem æðarrækt er stunduð á meðan ekki liggja fyrir upplýsingar um hvaða smit þeir geta mögulega borið með sér.

#### **Tölvupóstur frá varamanni**

Aðferðir við boðun funda og upplýsingar til varamanna. Erindið borið undir umhverfis- og auðlindaráðuneyti. Heimilt er að boða varamenn á fundi en það er þá ákvörðun nefndarinnar. Ef varamenn eru boðaðir á fund ásamt aðalmönnum er aðeins greitt fyrir fundasetu aðalmanns. Í þeim tilfellum sem varamenn þurfa að mæta á nefndarfund fyrir sína aðalmenn fá þeir fundargögn í tíma. Aðalmönnum er uppálagt að halda sínum varamönnum upplýstum.

#### **Vettvangsferð sumarsins.**

Rætt um svæði sem vilji er fyrir að heimsækja. Leita eftir tilboðum.

#### **Næsti fundur:**

Áætlaður þriðjudaginn 19. maí sem fjarfundur.

#### **Fundi slitið kl. 12:00**